




## PSALM 33




Sing jui - gend, sing 'n nu - we lof - lied.



Be - sing op - nuut die Heer se Naam;




bring nou 'n lof-ge-sang met eer - bied




soos dit ge - hoor-sa-mes be-taam.


1b




Net deur sy ge-dag - te is die Heer by mag - te



om te laat ge - skied.



Wat Hy doen, duur e - wig. Vas staan dit en ste - wig




soos Hy dit ge - bied.


2.

Hy is vol liefde, vol genade,  
en Hy laat geld dit wyd en syd.  
Standvastig is sy trou, sy dade,  
en Hy bemin geregtigheid.  
Slegs deur 'n gedagte  
was die Heer by magte  
om te laat ontstaan  
al die helder, verre glinsterende sterre  
en die helder maan.


3




Die see se vloed het Hy laat saam-kom.



Hy hou die wa-ters in een plek.




Be - wo - ners van die aar - de, dien Hom -




Hy wat ont - sag by al - mal wek.




3b




Deur sy skeppings-op-drag, deur sy woord se al - mag



kom die skep - ping voort.



Al - mal moet ont - sag hê as daar so - veel krag lê



in die Heer se woord.

4.

Vir ewig sal sy plan bly vasstaan  
tot in die verste nageslag.

Die nasies sal Hy laat tot niet gaan  
as hulle steun op eie mag.

Hulle wat getrou bly, hulle onderhou Hy,  
Hy sal hulle seën.

God se volk leef sorgvry,  
want vir hulle sorg Hy  
deur geslagte heen.

5.

Vanuit sy woonplek hoog verhewe  
sien Hy, die Koning, almal raak.  
En Hy kyk af op alle lewe,  
want alles is deur Hom gemaak.  
Alle kundighede, alles hier benede  
is deur Hom gemaak.  
In sy alvermoë sien sy wyse oë  
al ons dade raak.



6.

'n Vors oorwin nie deur sy magte;  
wat baat die grootheid van sy leër?  
Hy wen nie deur die perd se kragte.  
Wie triomfeer, steun op die Heer.  
En na dié wat Hom dien,  
sal die Here omsien,  
Hy sal hul behou.  
Hul sal deur sy krag wen,  
hulle wat sy mag ken  
en daarop vertrou.

1 1b 2 3 3b 4 5 6 7

Totius



Lied : ▶



7.

Die Here gee ons sy beskerming,  
Hy sal sy oog op ons bly hou;  
ons stel ons hoop op sy ontferming;  
ons sal op Hom, ons hulp, vertrou.  
God se Naam is heilig,  
by Hom is ons veilig;  
Hy sal altyd red.  
In ons vreugde lag ons,  
op sy goedheid wag ons,  
hoopvol in gebed.

1

**Sing vrolik, hef die stem na bowe;  
regverdiges, verhef die Heer!  
Dit pas opregtes God te lowe  
en uit te jubel tot sy eer.  
Laat die psalmgesange -  
stem van sterk verlange  
om die Heer te dank -  
by die smeltend-skone harp en sitertone,  
liefde en lof verklank!**

Sing nuwe sange, nuutgebore  
uit aandrif van die skoonste kuns;  
trompetgeklank deur tempelkore  
moet danksê vir God's nuwe guns.

Wat ons toegeseg is  
in Gods Woord wat reg is,  
het ons hart verbly;  
en Gods almagsmerke  
sien ons op sy werke -  
waar en reg soos Hy.



## 3

Hy min die reg in alle dinge,  
want enkel waar en reg is Hy;  
tot by die aard se verste kringe  
sien ons sy goedheid uitgesprei.  
In sy alvermoë het Hy hemelboë  
deur sy woord gestig;  
deur sy Gees 'n ganse  
leërskaar van glanse  
skitt'rend aan laat lig.

## 4

Hy laat die wilde wêreldseë  
geweldig aanswel tot 'n hoop;  
in voorraadskuur, omlaag geleë,  
stuit Hy die waters in hul loop.  
Voor Hom, Skepper-Here  
van die see en mere,  
van wat is en leef,  
moet die verste strande,  
volke in al die lande  
skrikverslae beef.

Die Heer se Woord is skeppingsmagtig  
wat lewe uit die dood gebied.  
Hy spreek - dit staan daar lewenskragtig,  
Hy roep net en dit het geskied.  
Nasies en tiranne  
smee verniet hul planne  
in die vlam van haat.  
Hy wat groot van mag is,  
weet wat daar bedag is  
en verbreek hul raad.



## 6

Die Heer se raad word nooit gekeer nie;  
dit sal bestaan in ewigheid.  
Teen sy besluit is geen verweer nie;  
bestendig duur dit vir altyd.  
Salig wie tevore deur Hom is verkore  
as sy erf en lot;  
wie so hoog geëer is,  
dat dié Heer húl Heer is  
en dié God húl God.

## 7

Die Heer wat bo die wentelkringe  
van son en maan sy rykstroon stig,  
aanskou die mense<sup>en</sup> en alle dinge -  
daar's niks bedek voor sy gesig.

Uit sy vaste woning  
waar Hy heers as Koning,  
sien Hy, Skepper-Heer,  
uit oneindig hoë blou-deurglansde boë  
op sy skepsel neer.

8

Die Heer skou uit die hoë hemel  
en sien die mensekinders aan;  
Hy ken hul hart, oor hul gewemel  
laat Hy sy heil'ge oë gaan.

Magtige oorlogsvolke,  
boë, skilde, dolke,  
blinkende oorlog-staal -  
duisende uitgetelde manne,  
stryders, helde  
bring geen seëpraal.



9

Die oorlogsperd kan nie behou nie,  
hoe hy ook aanstorm met geweld;  
hy red nie met sy ysterklou nie  
wat grimmig neerdreun op die veld.  
Maar die Heer se oë straal met mededoë  
op wie, klein van krag,  
voor Hom stilverslae in hul donker dae  
op sy grootheid wag.

10

Sy arm ontbloot Hy uit die hoogte  
en red hul siele van die dood.  
Hy sorg vir hul by somerdroogte,  
in sware tyd van hongersnood.  
In die grootste smarte  
bly nogtans ons harte  
op die Heer vertrou.  
Hy, ons skild, Hy wyk nie,  
en ons hulp beswyk nie  
waar ons hart op bou.



## 11

In God, dié God wat ons beveilig,  
voel nou ons hart opnuut verblyd;  
en op sy Naam, ontsaglik heilig,  
vertrou ons tot in ewigheid.

Goedertieren Vader,  
hoor ons as ons nader,  
met 'n diep ontsag;  
slaan ons gunstig gade,  
skenk ons U genade  
as ons op U wag!